

Krav til tariffavtale ved innkjøp i Vestland Fylkeskommune.

LO Vestland sin regionskonferanse går inn for at ved fylkeskommunale innkjøp må hovudregelen vere at det blir stilt krav om at det ligg føre norsk landsdekkande tariffavtale. Eit slikt vedtak i Vestland fylkesting vil motverke sosial dumping og arbeidslivskriminalitet og styrke faglege rettar, trepartsamarbeidet og eit seriøst arbeidsliv i heile Vestland fylke.

Dette er identisk med eit vedtak i Hordaland fylkesting i 2017. Dette forslaget er og identisk med eit samrøystes vedtak i Ullensvang kommunestyre i 2019, og fleire fylke har gjort slike vedtak. Vestland fylkesting har 4. mars samrøystes vedtatt at dette forslaget skal bli eiga sak i Vestland fylkesting 9. og 10. juni 2020. Bakgrunnen for dette er at fylkesrådmannen og enkelte fylkespolitikarar i Vestland fylkesting 4. mars har reist spørsmål om eit slik politisk vedtak er lovleg med bakgrunn i EØS-avtalen.

Regionkonferansen vil presisere at kamp mot sosial dumping og arbeidslivskriminalitet i første rekkje er politikk, og ikkje jus. Vi oppmodar og fylkeskommunen til å innarbeide gode seriøsitetskrav i sine innkjøp på same vis som fleire fylkeskommunar har gjort. Dette vil gje oppdragsgjevar rett til å sette i verk sanksjonar og i verste fall heve kontrakt. Fylkeskommunen må og syte for å ha ei aktiv oppfølging som syter for at krav vert følgt.

LO Vestland sin regionskonferanse ber LO og forbunda om å engasjere seg aktivt i denne saka.